

Deach'i sarun demez, prëii de me mené les **comunicaziuns por la plata dla cöra** dai 12 ai 19 d'auri cina en dedolönesc, 7 d'auri, dales 20.00: anton.gasser@rolmail.net

L'apoteca Pütia a Picolin é stluta dai 5 ai 12 d'auri.

SAN MARTIN Y LUNGIARÜ

Rëi de oraziun por la Sinoda. Bele ai 30.11.2013 él pié ia dala ploania da Reschen, fora por dötes les ploanies dla diozeja, n cufer cun na bibla, na ciandëra, n album, na morona cun 281 perles che significhëia les 281 plonies dla diozeja y n sföi de oraziun. La Domënia y le Lönesc de Pasca röia le cufer tla dlijia da San Martin y dai 7 ai 10 d'auri tla dlijia da Lungiarü. En chisc dis orunse perie le Ressori ch'al ti dais cun so Spirit Sant forza y entusiasma ala Sinoda y ala Dlijia da se renové sön so tru tl dagni.

Al vëgn recordé l'incuntada por düc chi che á frecuenté n curs por **la zelebrazion dla Parora de Di** en dedolönesc, ai 21 d'auri, dales 19.00 tla colonia da Bornech. Prëibel prenotesse atira: 0471 306 270 o stefan.huber@bz-bx.net

Invit al **peregrinaje dles Ères Catoliches dla diozeja sö Jeunn** en sabeda, ai 18 d'auri. Por podëi to pert vál na coriera dala Val Badia ia Tluses. Informaziuns y prenotaziuns pro Angela cina ai 15 d'auri: 338 24 30 045.

I grups di sorvidus da Lungiarü y da San Martin Ves aoda na buna Pasca y se conforta ch'i ti metëis val' te cëst por la coa da Pasca.

SAN MARTIN

Al é gnü restauré le **crist dla fossa di proi**; dër bel dilan a chi che á paié le restaur.

Invit al batadü y a jüc cun picia marëna por i Seniors da San Martin y Antermëia en Lönesc de Pasca dales 14.00 tl Hotel Pütia a Antermëia. Prëibel prenotesse atira pro Alfred: 333 36 54 786 o Gotti: 328 64 72 341. I seniors da San Martin s'incunta dales 13.30 sön plaza dl paisc por jí sö Antermëia deboriada.

LUNGIARÜ

Bel dilan dles **spënores por la dlijia** da Lungiarü da pert de fis y fies dl Mair y dla fam. de Giuvani, Laguscel.

En domënia Blanca do la confermaziun sëise inviá a n concert y **renfrësch sön plaza dla scora**; l'incas va ala dlijia da Lungiarü (Union dles Patrones).

La Uniun Ladins Val Badia inviëia düc, en Lönesc de Pasca, ai 6 d'auri, do mëssa, sciöche i agn passá, ala "Matinée culturala" sön plaza dl Istitut Ladin: buffet de liagnes blances, musiga moderna ladina, marcé de libri, cufada de üs zinzorà cun dic ladins.

I Jogn y la Jonëza da Paur tëgn n curs da balé fox ai 12, 19 y 26 d'auri dales 20.00 ales 22.00 tla palestra da San Martin; prenotaziuns pro Alan: 333 44 29 889

Giorgio Costabiei dl Ofize dl Laur da Bornech sará tla sënta dl Sorvisc ai Jogn a Picolin ai 10 d'auri y ai 8 de mà dales 15.30–16.30 por ti dé a jogn y jones **informaziuns söles poscibilités de laur**, sides por d'isté co ince por dotalann (0474/523070).

Por i 10 agn dla Crusc Blanca vëgnel organisé chisc referac:

A La Val tl pice salf de comun en dedemesaledema, 08/04, dales 20.00, tema:

Porsones dala meseria che vëgn a petlé, co pores pa gní daidades?

A Al Plan tl salf dla Cassa Raiffeisen, vigni iade dales 20.00:

en dedolönesc, ai 7 d'auri, dales 20.00: *Les droghes*

en dedemesaledema, ai 8 d'auri: *consumënc jogn che cumpra por internet / prighi*

en jöbia, 9 d'auri: *dërc y dovëis di jogn cun le Defensur di jogn*

en vëndres, 10 d'auri: *Sessualità - Argomento chiacchierato ma poco affrontato*

Teater a La Val cun le cor di jogn "la nücia dl malan" de Franz Kranewitter ai 11, ai 17 y ai 18 d'auri dales 20.30 y ai 12 y ai 19 d'auri dales 17.00; prenotaziun: 338 9639893. Les chertes vëgn venüdes n'ora denant.

5.4. - 12.4.2015 - nr. 19

Plata dla Cöra

termo por publiché: dedolönesc *de San Martin y Lungiarü*

DOMËNIA DE PASCA

Vangele: Merch 20,1-18

Le pröm dé dl'edema,
é Maria da Màgdala jüda da doman adora,
canch'al é ciamó scür, fora dala fossa
y à odü che la pera é tuta demez
dal sepolcher. Ara é saltada debota
da Scimun Pire y dal discepul,
a chël che Gejù ti orô bun, y ti à dit:
An à tut le Signur fora de sepolcher,
y i ne savun nia, olach'an l'à metü.

Na storia da Pasca che pëia ia cun
malintenüdes y incomprenjiuns. Maria
Magdalena mina che le corp de Gejù sides
gnü tut y ne conesc nia Gejù, l'aratan por
le patrun dl urt. Sön la notizia de Maria M.
salta Pire y Jan fora dala fossa y vëiga le
sepolcher ôt.

Y le vangele cunta inant che da sëra de
chël pröm de dl'edema s'â i discepoi, dala
tëma, saré daite. Degöna conescënza
tlera, degöna iubilanza, degun entusiasma.



Maria da Mágdala

Te na maniera süta y realistica descrí le vangele che i discepoi n'é nia bugn da
capí ci ch'al sozed, deache por ëi é n mort mort y nia vi. I nemisc de Gejù l'á
davagnada y šëgn él ince ciamó sparí so corp. Tristëza y desperaziun.

Insciö ti somëia i discepoi de Gejù a tröc cristians da incö che stënta da creïe
tla ressureziun, deache ai creï umanamënter, te na maniera massa strënta.
Chël Bel Di é bun da fá deplü co ch'i ne minun y sun bugn da s'imaginé.

Pormó nurcaltan conësc Maria Magdalen ch'al é Gejù cun chël ch'ara baia.
Ince i discepoi sön tru da jí a Emmaus á n pez da le conësc y da capí.
Por conësc Gejù ressorí unse debojëgn ch'al nes vëgnes daurí i edli y le cör
por süa realté nöia. Süa presënza n'é nia plü liada a n post y al tēp.
Tres indö variëiel dlungia nos zënza ch'i s'intenun. Ince incö.

Pl oan: siur Iaco Ploner ploner.jakob@aruba.it
tel.: 333 48 32 765 / 0474 453 003

Redaziun: T. Gasser anton.gasser@rolmail.net
tel: 348 27 44 517 / 0474 523 194

	SAN MARTIN		LUNGIARÜ
05.04.15 DOMËNIA DE PASCA	10.00 Mëssa solëna de Pasca Benedisciun dl signé 18.00 Öspi da Pasca cun oraziun por la Sinoda	05.04.15 Domënia	8.15 Mëssa solëna de Pasca Benedisciun dl Signé 14.00 Öspi da Pasca
06.04.15 Lönesc de Pasca <i>Zeletin, Sistus, Wilhelm</i>	8.30 Ora d'adoraziun y oraziun por la Sinoda 9.30 Gran Mëssa dla comunité aniv. Maria Chizzali + Maria Graffonara + Maria Pedevilla + Cristina Conrater	06.04.15 Lönesc	9.00 Gran Mëssa cun presentaziun di 37 cresimanc da Lungiarü, Antermëia y San Martin por i familiars de Costa Monica aniv. Clementina Costa aniv. Rosa Mailänder + Oliva Irschara Proa cun i cresimanc y i toc
07.04.15 Dedolönesc <i>Jan Batista de la Salle, Albert</i>		07.04.15 Mertesc	
08.04.15 Dedemesaledema <i>Walter, Beata</i>		08.04.15 Mercui	7.30 Mëssa + Vito Caimi + Vito Clara + don Giuseppe Pezzei dedô Adoraziun y oraziun por la Sinoda 14.30 Confesciun di cresimanc
09.04.15 Jöbia <i>Waltraud, Conrad, Hugo</i>	7.30 Mëssa + Maria Unterweger + Linda Mühlmann + Mariangel Tavella 8.30 Confesciun ai amará	09.04.15 Jöbia	
10.04.15 Vëndres <i>Engelbert, Hulda, Magdalena G.</i>		10.04.15 Vëndres	7.30 Mëssa familia Nando Clara + siur Sepl Clara + + geniturs de fam. Castlunger, Laguscel
11.04.15 Sabeda <i>Stanislaus, Filip, Gemma Galgani</i>	15.30 Mëssa tla Ciasa de Palsa 18.30 Mëssa prefestia familia Claudio Moling + Bino Pedevilla por les Animes	11.04.15 Sabeda	20.00 Mëssa prefestia + Franz Schanung + + Josef y Emma Oberbichler
12.04.15 – Domënia Blanca 2ª Domënia de Pasca Domënia dla Misericordia	9.30 Gran Mëssa dla Comunité	12.04.15 Domënia	9.00 Ingres cun i Cresimanc Gran Mëssa y CONFERMAZIUN <i>(minister siur Eugen Runggaldier)</i> dedô Concert y sté adöm dan scora pro n renfrësch <i>les spënores che vëgn ite va a bëgn dla dlijia</i>